

欽定大清會典事例

欽定大清會典事例卷六百十一

兵部

八旗處分例 捕盜

捕盜。康熙十七年議准八旗前鋒護軍驍騎及執事人等。行劫被獲。或被人出首。經刑部審實。將該管佐領驍騎校領催議處。每佐領下一二人者。佐領罰俸一月。驍騎校罰俸兩月。領催鞭五十。三四人者。佐領罰俸兩月。驍騎校罰俸三月。領催鞭七十。五六人者。佐領罰俸六月。驍騎校罰俸一年。領催鞭八十。七人至十人者。

佐領罰俸一年。驍騎校降一級罰俸一年。領催鞭一百。十人以上者。佐領降一級罰俸一年。驍騎校革職。領催鞭一百。二十人以上者。佐領革職。驍騎校革職。鞭一百。折贖。領催鞭一百。革職。如前鋒護軍匠役人等。於該班當差日為盜。將前鋒校。護軍校。有頂戴司匠。皆照驍騎校議處。無頂戴司匠。照領催例議處。其本佐領。驍騎校。領催。免議。如平時在家為盜。將本佐領。驍騎校。領催。照例處分。前鋒校。護軍校。司匠。皆免議。在京間散人。及墳園居住之正身。為盜。一人至三

人者。佐領罰俸一月。驍騎校罰俸兩月。領催鞭五十。四人至六人者。佐領罰俸兩月。驍騎校罰俸三月。領催鞭七十。七人至十人者。佐領罰俸六月。驍騎校罰俸一年。領催鞭八十。十人以上者。佐領罰俸一年。驍騎校降一級罰俸一年。領催鞭一百。二十人以上者。佐領降一級罰俸一年。驍騎校革職。領催鞭一百。革退。有窩盜之事發覺者。亦照此例議處。若佐領、驍騎校等奉差在外。所屬內有為盜窩盜者。將署事之佐領、驍騎校。領催分別議處。其奉差之佐領、驍騎校等

皆免議。至差遣在外之人行劫被獲將同差遣之該管官照佐領驍騎校例分別議處。內務府管領及王貝勒貝子公各府屬管領管屯領催莊頭八旗滿洲蒙古漢軍屯領催等所管之人有為盜窩盜者內務府管領照佐領例議處。內務府副管領及王府管領照驍騎校例議處。貝勒以下各府管領管屯領催莊頭八旗屯領催皆照領催例議處。該管官於事未發覺之先自行查出送部治罪者免議。奴僕為盜窩盜家主係官照兵役為盜之該管驍騎校例議處。常人

照兵役為盜之該管領催例議處其該管之各官皆免議若家主於事未發覺之先自行查出送部治罪者亦免議。又題准京城內樞門掘壁踰牆行竊其賊係旗人正身將同居父兄議處係戶下人將家主議處初次行竊者其同居父兄及家主皆免議二次者同居父兄及家主係官罰俸一月常人鞭四十。三次者同居父兄及家主係官罰俸二月常人鞭五十。又題准外省駐防兵丁有一二人為盜者該管佐領防禦驍騎校罰俸一年協領參領總管城守尉防

守尉。罰俸九月。三四人者。佐領等降一級留任。
協領等罰俸一年。五六人者。佐領等降一級。罰
俸一年。協領等降一級留任。七人至十人者。佐
領等降二級調用。協領等降一級調用。十人以
上者。佐領等革職。協領等降二級調用。如聞散
人內有一二人為盜者。該管佐領防禦驍騎校
罰俸六月。協領參領總管城守尉。防守尉。罰俸
三月。三四人者。佐領等罰俸一年。協領等罰俸
九月。五六人者。佐領等降一級留任。協領等罰
俸一年。七人至十人者。佐領等降一級調用。協

領等降一級留任。十人以上者。佐領等降二級
調用。協領等降一級調用。其統轄之將軍都統
副都統等。本管兵丁有一二三人為盜者。罰俸
三月。四五六人者。罰俸六月。七人以上者。罰俸
九月。十人以上者。罰俸一年。十六人以上者。
降一級留任。二十一人以上者。降二級留任。三
十一人以上者。降三級調用。聞散人為盜一人
至五人者。將軍等罰俸三月。至十人者。罰俸六
月。十五人者。罰俸九月。二十人者。罰俸一年。三
十人者。降一級留任。三十一人以上者。降二級

留任。若兵丁之奴僕有一二人為盜者。家主鞭一百。三人以上者。枷一月。鞭一百。該管之佐領防禦。驍騎校。罰俸六月。將軍。都統。副都統。總管。城守尉。協領。參領。防守尉。各官皆免議。如將軍。都統以下。駐防各官之奴僕為盜。一二人者。將家主罰俸一年。三四人者。降一級調用。五。六人以上者。降二級調用。十人以上者。革職。該管官皆免議。如該管官及家主於事未發覺之先。能自行查出治罪者。免議。兵丁聞散人為盜。該管各官奉差在外者。免議。○二十五年題准。步軍

校於一年內拏獲強盜五名者。紀錄一次。十名紀錄二次。十五名加一級。三十名加二級。協尉副尉所屬步軍校等。於一年內拏獲強盜十名者。紀錄一次。二十名紀錄二次。三十名加一級。翼尉所屬本翼步軍校等。於一年內拏獲強盜二十名者。紀錄一次。四十名紀錄二次。六十名加一級。統領所屬八旗步軍校及番役等。於一年內拏獲強盜四十名者。紀錄一次。八十名紀錄二次。百二十名加一級。以上各官拏獲之數多者。各照應得議敘計數遞加。步軍校於一年

內拏獲竊賊光棍六十名以上者。紀錄一次。一百二十名以上。加一級。二百四十名以上。加二級。協尉副尉所屬步軍校等。於一年內拏獲竊賊光棍一百二十名以上者。紀錄一次。二百四十名以上。加一級。翼尉所屬本翼步軍校等。於一年內拏獲竊賊光棍二百四十名以上者。紀錄一次。四百八十名以上。加一級。統領所屬八旗步軍校及番役等。於一年內拏獲竊賊光棍四百八十名以上者。紀錄一次。九百六十名以上。加一級。以上各官拏獲之數多者。各照應得

議敘計數遞加。如係副尉、協尉、翼尉、掣獲者，照步軍校例議敘。至步軍校掣獲之數，雖不及紀錄統領、翼尉，仍總計議敘。其掣獲各犯，均由刑部定擬之後，咨部議敘。○三十一年議准：外省駐防城內，強盜劫掠城池，搶奪倉庫獄囚者，將軍、都統、副都統各罰俸六月。○三十七年議准：京城內有盜賊白晝殺人，搶奪財物，該汛步軍校等將盜賊當場全獲，及一月之內全獲者，免議一月內獲一半者，步軍校罰俸一年。步軍副尉、協尉罰俸六月。盜賊照案緝拿，一月內無獲

者。步軍校降二級調用。步軍副尉。協尉降一級調用。所有加級紀錄。不准抵銷。步軍翼尉罰俸一年。步軍統領罰俸六月。該汛步軍各鞭一百。盜賊交接任官照案緝拏。○又議准

盛京所屬看墳及居住之人。有偷採人漫者。將故縱之屯領催枷一月。鞭一百。失察者鞭一百。各旗佐領下人。有偷採人漫者。將故縱之佐領。驍騎校革職。領催革退。枷一月。鞭一百。失察者佐領。驍騎校罰俸一年。領催鞭一百。內務府佐領下。有偷採人漫者。將故縱及失察之佐領。驍騎

校領催皆照旗人例分別議處。故縱之無頂戴管領枷一月鞭一百。失察者鞭八十。奴僕偷採人。漫家主不知者不坐。知而故縱者。係官革職。常人鞭八十。知而詐稱不知者。係官革職。常人鞭一百。其應採人。漫之人。必領票以為執照。若無票私自行走。或有票擅自越界。並不照票內定數。多帶人畜。該巡察官徇情故縱者。革職。領催革退。枷一月鞭一百。兵鞭一百。若得財縱放。及將人漫隱匿入己者。交刑部治罪。因巡察人漫藉端誣拏無辜之人者。官革職。兵枷兩月鞭

一百。奪取財物者。官革職。交刑部治罪。兵枷三月。鞭一百。若被拏之人。以受誣捏。控審虛者。照誣告律治罪。至

盛京鳳凰城等處邊界。有人毀壞寨柵。私自出入。官兵不行緝捕。及通同受賄者。皆照巡察官兵之例治罪。○又議准。步軍領催將拏獲盜賊得財私放。該管步軍校失察。其贓在十兩以下者。罰俸一年。十兩以上者。降一級留任。知情故縱者革職。○四十一年。議准京城內盜賊傷人劫去財物。將該汛步軍副尉協尉。各罰俸九月。步

軍翼尉罰俸六月。步軍統領罰俸三月。盜賊照
案緝拏。該汛直日步軍校降二級留任。罰俸一
年。限一年緝拏。本汛看銜領催步軍及本汛看
守柵欄步軍。各鞭一百。如一年內拏獲一半。步
軍校准其開復。一年限滿。獲不及一半。無別案
失事者。步軍校降二級調用。領催步軍皆枷一
月鞭八十。限內無獲。又有失事者。步軍校降三
級調用。領催步軍枷四十日鞭一百。革退未獲
之犯。交接任官照案緝拏。馬甲堆撥相近處失
事。該管官罰俸一年。馬甲照步軍例鞭責。○又

議准。忌徒肆行無忌。或藉端挾詐。勒騙財物。公然搶奪。攪擾肆市行兇者。責成該汛步軍校。並步軍翼尉。協尉。副尉。隨時巡緝。有失察者。將步軍校。罰俸六月。步軍協尉。副尉。罰俸兩月。翼尉。罰俸一月。領催步軍。鞭一百。僕明知而不緝拿者。革職。如得財私縱。詭稱逃脫者。革職。領催步軍。皆交刑部治罪。若領催步軍。得財私縱。詭稱逃脫。該步軍校。並不知情者。照失察步軍犯贓例議處。又議准。拿獲忌徒。刑部審實。照光棍例治罪者。每佐領下一年內有一二人犯者。佐

領罰俸一月。驍騎校罰俸兩月。領催鞭五十。三
四人犯者。佐領罰俸兩月。驍騎校罰俸三月。領
催鞭七十。五六人犯者。佐領罰俸六月。驍騎校
罰俸九月。領催鞭八十。七人至十人犯者。佐領
罰俸九月。驍騎校罰俸一年。領催鞭一百。有頂
戴管領。並該管司匠。皆照驍騎校例議處。屯領
催照在京領催例。治罪奴僕為光棍者。家主係
官。照驍騎校例議處。常人照領催例。治罪。該管
官免議。如該管官及其主於事未發覺之先。自
行查出。送部治罪者免議。至一應有犯光棍之

人若該管官奉差在外者免議。將署理之人議處。雍正八年議准。地方有竊賊之案。該汛步軍校等於事主呈報之日。即轉報步軍統領。勒限半年緝拏。限內獲賊免議。逾限不獲。將該汛步軍校罰俸三月。步軍協尉副尉各罰俸兩月。直日領催步軍各鞭五十。被獲之賊供由何柵欄行走者。將守柵欄步軍鞭一百。如別汛之官於限內獲賊者。紀錄一次。○十二年議准。奉天各州縣及旗莊地方。均照直隸各省州縣之例。編立保甲。互相稽察。如遇失事。同叅疏防。協領

城守尉無論專管兼轄。照督緝例。與奉天府理事通判一律議處。佐領防禦等。照承緝例。與州縣官一例議處。驍騎校照吏目典史例議處。有因獲盜議敘者。亦照此例。若奉天各處旗人有犯盜案。經地方文職官訪知確實。行文關會拘緝。該管官有心牽制。不差人協拏。致盜脫逃者。降二級調用。失察者。罰俸一年。屯領催不協力緝拏者。鞭八十。若受財故縱。交

盛京刑部治罪。如同城地方文職官獲盜。同城之旗員得免議處。○又議准

興京。岫巖。鳳凰城。三處界內。如遇失事。將旗員劾
叅。勒限緝拏。地方丈職官。令其協緝。○又議准
吉林。伯都訥。甯古塔等處。設番役緝拏盜賊。其
管轄番役官。如能實心督率。於限內將一案盜
賊全獲者。每案紀錄二次。逾限不獲。照州縣印
捕官初叅二叅三叅四叅之例議處。○又議准
西四旗游牧察哈爾總管所屬蒙古有為盜者。
照外省駐防兵丁及閒散人為盜例。按其名數。
將專管兼管統轄各官分別議處。其太僕寺牧
廠官所部蒙古有為盜者。查叅到日。將專管之

協領兼管之翼領統轄之總管。照此例分別議處。○又議准看守一應倉庫之官兵。拏獲竊賊者。每案官紀錄一次。兵於竊賊名下追銀二兩給賞。○乾隆五年議准。捕盜步軍校。每旗五人輪流直月。遇該旗地方有強竊之案。將捕盜步軍校勒限承緝。不獲照例議處。○又奏准直月捕盜步軍校。該旗地方遇有強盜之案。於事主呈報之日起。勒限半年緝拏。限內獲盜免議。不獲降一級留任。罰俸六月。再限一年緝拏。一年內獲半。准其開復。不及半者。照所降之級調用。

捕盜步軍鞭八十。遇有竊賊之案。於事主呈報之日起。勒限半年緝拏。限內獲賊免議。不獲罰俸三月。捕盜步軍鞭三十。○又覆准京城內強竊各案。經直月捕盜步軍校於限內緝獲者。該汛步軍校等免議。若別管官緝獲者。直月捕盜步軍校免議。其該汛步軍校仍行議處。○七年議准。京城內有強盜之案。該汛步軍校隱諱不報。或以強報竊。以多報少。或賄囑事主。通同隱諱者。將步軍校革職。步軍副尉。協尉。翼尉。扶同。隱諱者。降三級調用。失察者。降二級調用。步軍

統領知情降一級留任。失察罰俸一年。如盜已全獲皆免議。若事主未經呈報。及失事未有實據。別經發覺者。仍照承緝定議。免以諱盜議處。○又議准。京城內有竊賊之案。該汛步軍校隱諱不報者。降一級留任。勒限半年緝拏。限內獲賊。准其開復。不獲降一級調用。步軍副尉協尉扶同隱諱者。照步軍校例議處。失察者罰俸六月。勒限半年緝拏。限滿不獲。罰俸一年。竊賊照案緝拏。能查出呈報者。仍照承緝例定議。若事主未經呈報。該汛步軍校免議。仍於發覺日為

始將賊犯勒限半年緝拏。不獲。罰俸三月。賊犯照案緝拏。○又議准。看守倉廩各官。被賊竊米者。罰俸三月。看守之兵。鞭三十。○又議准。漕糧運送到京。有攔路截袋。及鑽越踰牆。進倉偷米之賊。審係食餉之人。將該旗都統副都統。罰俸三月。參領。罰俸六月。佐領。驍騎校。罰俸一年。領催。鞭一百。若閒散人。其父兄係官。罰俸一年。常人鞭一百。若奴僕。其家主係官。罰俸一年。常人鞭一百。○又覆准。東四旗察哈爾總管所屬蒙古。遇有盜案。照西四旗例。分別議處。○十四年

議准。旗人為竊。罪至發遣以上者。不能管束之。該管官及家主。皆照旗人為盜例議處。○二十四年。奏准。京城內遇有盜賊。白晝殺人搶奪財物。一月內獲一半者。步軍校降一級留任。步軍協尉。副尉。罰俸九月。盜賊照案緝拏。一月內不行嚴緝。致賊脫逃者。步軍校降三級調用。步軍協尉。副尉。降二級調用。步軍翼尉。步軍統領。及汛地。步軍。仍照舊議。○又奏准。京城內盜案。該汛步軍校。隱諱不報。或以強報竊。以多報少。或賄囑事主。通同隱諱者。步軍統領知情。降三級。

調用。又奏准。八旗察哈爾遇有盜案。承緝官照內地無墩鋪防兵例議處。獲賊及半。兼獲盜首窩家者免議。其接緝前官未獲盜犯。照內地接緝例。以到任日起。勒限一年緝拏。不獲罰俸一年。盜犯照案緝拏。限內但能獲盜。雖不及半亦免議。過半者紀錄二次。全獲者紀錄三次。若盜夥止二三名。於限內緝獲一半。兼獲盜首。及緝獲過半。於免議之外。仍紀錄二次。其緝獲一半盜首未獲者。止免議處。毋庸議敘。一月內緝獲鄰境盜犯。照內地緝獲鄰境盜犯例議敘。首

盜每名加一級紀錄一次。一月外拏獲鄰境首盜。每名加一級。拏獲夥盜。無論一月內外。每名紀錄一次。該都統等將獲盜月日報明兵部分別議敘。○又奏准。

盛京吉林黑龍江等處駐防官員承緝竊案。照步軍營竊案例議處。其駐防官員諱竊。亦照例議處。○又奏准。

盛京吉林黑龍江等處駐防官員諱盜及失察竊盜承充捕役。捕役為盜為竊。並隱諱捕役為盜為竊。與發冢開棺衙署失事等案。俱照文職例。

定議。○三十五年奏准。京城內盜竊各案。經直月捕盜章京於限內緝獲者。該汛承緝之步軍校等。俱照例酌減議處。若經鄰汛官緝獲。本汛直月捕盜章京步軍校等。亦俱酌減議處。不准互相援免。○又奏准。

盛京各城盜案。如同城地方文職官獲盜。將同城旗員照承緝案犯被鄰境拏獲之例。酌減議處。不准互相援免。○三十八年奏准。達里崗愛牧廠地方遇有盜案。緝捕官照內地設有廠鋪失事例議處。該處牧長人等有一二人為盜者。專

管官降一級留任。兼轄官罰俸一年。三四人者。專管官降一級留任。罰俸一年。兼轄官降一級留任。五六人者。專管官降二級調用。兼轄官降一級調用。七人以上者。專管官革職。兼轄官降二級調用。統轄官有一二三人為盜者。罰俸六月。四五六人者。罰俸九月。七人以上。罰俸一年。十一人以上。降一級留任。十六人以上。降二級留任。二十一人以上。降三級調用。○四十四年。奏准八旗前鋒護軍等項兵丁。有犯為盜者。無論名數。將專管前鋒校護軍校。佐領。驍騎校。革

職領催鞭一百革退前鋒侍衛參領護軍參領
驍騎參領降三級調用統轄前鋒統領護軍統
領都統副都統罰俸一年如前鋒護軍匠役人
等於該班當差日及平時在家為盜其前鋒校
護軍校有頂戴無頂戴司匠及本佐領驍騎校
領催均照此例分別議處○又奏准倉廩米石
被竊看守之員照防範不嚴例每案降一級留
任披甲人等鞭七十○又奏准內外八旗另戶
閒散及戶下人犯竊訊明係獨行掏摸絡竊者
該管佐領驍騎校及同居父兄家主均罰俸三

月。糾夥偷竊。贓未滿貫者。該管佐領。驍騎校。及同居父兄家主。均罰俸六月。兼轄官罰俸三月。贓已滿貫者。該佐領。驍騎校。及同居父兄家主。均罰俸一年。兼轄官罰俸六月。統轄官罰俸三月。同居父兄家主。如係兵丁。照例鞭責。○四十九年。奏准在京八旗閒散。及墳園居住之另戶。為盜。佐領等官。降一級留任。領催鞭七十。兼轄上司。罰俸一年。糾夥為盜。數至五名以上者。佐領等官。降二級調用。領催鞭九十。兼轄上司。降一級留任。至十名以上者。佐領等官。革職。領催

鞭一百革過兼轄上司降二級調用。○又奏准外省駐防兵丁為盜無論名數將該管佐領防禦驍騎校革職協領參領總管城守尉防守尉降三級調用。統轄將軍都統副都統罰俸一年。閒散為盜及糾夥為盜照在京八旗例議處。○又奏准察哈爾都統副都統太僕寺牧廠總管上駟院慶豐司牧廠所屬蒙古有為盜及糾夥為盜者專管兼轄官照外省駐防閒散人為盜夥盜例分別議處。○嘉慶五年奏准內外旗人犯竊若係食錢糧之人訊明係獨行掏摸絡竊

者該管官罰俸六月。兼轄上司罰俸三月。糾夥
偷竊賊未滿貫者。該管官罰俸一年。兼轄上司
罰俸六月。賊已滿貫者。該管官降一級留任。兼
轄上司罰俸一年。統轄大臣罰俸六月。又奏
准察哈爾所屬之張家口。獨石口。及口內千家
店等處旗人犯竊。訊係獨行。拘摸絡竊者。每案
該管佐領防禦驍騎校。罰俸三月。糾夥偷竊賊
未滿貫者。該管佐領防禦驍騎校。罰俸六月。兼
轄上司罰俸三月。賊已滿貫者。該管佐領防禦
驍騎校。罰俸一年。兼轄上司罰俸六月。統轄大

員罰俸三月。如係兵丁犯竊，即照內外八旗食錢糧人犯竊之例一體辦理。○六年奏准步軍營兵丁為盜為竊，照綠營兵丁例議處。步軍校照專管官例，協尉、副尉照兼轄官例，翼尉照統轄官例，統領、總兵、丁例處分。○又奏准八旗步軍營失察兵丁誣良為盜為竊及誣竊為盜，並將曾經犯竊之人指為現在躡緝之盜犯，均照綠營例分別已未致死。步軍校照專管官例，協尉、副尉照兼轄統轄官例，翼尉照總兵例，統領、總兵。

照提督例分別議處。其上司查出揭叅及該管官自行查究者均照例分別覈議。○又奏准八旗步軍營兵丁窩盜窩竊受贓該管兼轄統轄各官照綠營兵丁窩盜窩竊例分別議處。其該管各官明知徇縱不行查究及不自行查拏者亦照此例行。○又奏准統轄大臣所屬閒散及墳園居住之另戶為盜罰俸三月。糾夥為盜數至五人以上者罰俸六月。十人以上者罰俸一年。○又奏准駐防統轄大臣所屬閒散人為盜照在京閒散人為盜例議處。將軍都統以下駐

防官員家人為盜一二名者。本主降二級調用。
三名以上者革職。○又奏准

盛京等處旗員承緝盜犯限內拏獲夥盜過半。而
盜首不獲者。照綠營千把總承緝盜首例議處。
察哈爾旗員承緝首盜亦照此例減一等議處。
其捏報盜首病故希圖免議者。仍照例革職。○
又奏准佐領圖記不謹慎收存。被賊偷竊。實有
情形可據者。該佐領降二級調用。若將圖記質
當或潛移在外遺失。裝點被賊情形。捏報偷竊
者。革職提問。○又奏准八旗間散人將進倉漕

糧攔路截袋。挖倉牆。偷竊漕米。佐領驍騎校。罰俸六月。參領等罰俸三月。伊父兄仍照舊例。分別議處鞭責。○又奏准駐防旗員任內。遇有勒限承緝盜案未獲。例應限緝展參者。不准升遷離任。如有將承緝之員。已經勒限緝拏。錯擬保送者。除本員撤回本任。仍令限緝外。將違例保送之該管上司。降一級留任。該管大臣罰俸一年。○又奏准察哈爾所屬游牧地方兵丁開散人等。偷竊牲畜。該佐領驍騎校護軍校失察。至三次者。罰俸六月。領催申長鞭六十。至二十

次者。該旗總管參領副參領罰俸六月。○又奏
准達里崗愛牧廠地方牧長人等。有一二名為
盜者。統轄官罰俸六月。三四名者。罰俸九月。五
六名者。罰俸一年。七名以上。降一級留任。○又
奏准察哈爾都統副都統太僕寺牧廠總管上
駟院慶豐司牧廠所屬蒙古。有為盜及糾夥為
盜者。統轄大臣。照外省駐防閒散人為盜夥盜
例分別議處。○二十二年

諭。向例京城地方盜案。三月無獲。始行題參。未免過寬。
嗣後京城外七門以內。尋常竊盜案件。三月限滿題

如有執械嚇禁強劫之案。二月無獲。即行題參。其九門以內尋常竊盜案件。二月題參。強劫之案。一月無獲。即行題參。著為令。○又

諭。嗣後京城九門以內及外城七門以內強劫之案。該

坊汛員弁俱先行革去頂戴。勒限嚴緝。○道光二年

奏定。京城內遇有夥眾白晝搶奪財物。至十人

以上。或贓至滿貫。或拒捕傷人。均照京城盜案

例議處。不及十人。贓未滿貫。亦未拒捕傷人者。

該汛步軍校等。初參二月限滿不獲。將專汛步

軍校住俸兼轄步軍協尉副尉罰俸六月。限一

年緝拏督緝二冬一年限滿不獲將專汛步軍
校降一級留任兼轄之步軍協尉副尉罰俸一
年。汛地步軍各鞭一百。賊犯照案緝拏。○又奏
定惡棍在街肆行無忌。或藉端挾詐。勒騙財物。
攪擾市肆行兇者。責成該汛步軍校。並該步軍
翼尉。協尉。副尉。不時巡查緝拏。如失於查察者。
將步軍校降一級留任。步軍協尉。副尉。罰俸一
年。步軍翼尉。罰俸六月。如自行查拏者。均免議。
步軍領催。步軍鞭一百。僕明知惡棍不行緝拏
者。革職。如得財私縱。誑稱失脫者。革職。交刑部

治罪。若步軍領催步軍得財私縱詭稱失脫俱交刑部治罪。該步軍校等並不知情失於查察者。照失察步軍犯贓例處分。十兩以上者降一級留任。不及十兩者罰俸一年。○又奏定步軍營官員所管地方倉廩有被賊偷竊米石者。將步軍校每一案罰俸一年。步軍協尉副尉罰俸六月。步軍翼尉幫辦翼尉罰俸三月。○又奏定旗人窩藏竊賊分贓者。係食錢糧之人。該管官及同居父兄均降一級留任。兼轄官罰俸一年。統轄大臣罰俸六月。如係聞散將該管官及同

居父兄均罰俸一年。兼轄官罰俸六月。統轄大臣罰俸三月。同居父兄如係兵丁折鞭責。如係奴僕窩藏竊賊分贓者。將該家主係官照該管官例議處。係平人照例折鞭責。○又奏定

盛京吉林黑龍江駐防旗員所管番役如誣孥良民為盜及誣良為竊私用非刑害人致死者將失察之該管官革職兼管官降二級調用將軍副都統罰俸一年。誣良為盜未經致死者專管官降二級調用。兼管官降一級調用。將軍副都統罰俸六月。誣良為竊未經致死者專管官降

一級留任將軍副都統罰俸六月。上司查出揭
參者免議。該管官自行查出已致死者降二級
留任未致死者免議。○又奏定番役誣竊為盜
及將曾經犯竊之人指為現在躡緝之強竊盜
犯及將竊犯指為盜犯致死者將該管官降三
級調用未致死者降一級調用。如自行查出已
致死者降一級留任未致死者免議。○又奏定
盛京吉林黑龍江番役秦養竊賊坐地分贓該本
官平時不行稽查或已經查拏不依法究治止
藉端責革者降二級調用兼管官同城者降一

級調用。不同城者。降一級留任。將軍副都統罰俸一年。如該管各官明知徇縱不行查究者。照諱盜例分別議處。○又奏定八旗步軍營官員拏獲鄰境盜犯。由步軍統領衙門奏請議敘者。俟刑部覈覆後。如實係外來潛匿。罪應凌遲斬絞立決。並請

旨即行正法者。准其送部引

見候

旨升用。如係尋常斬絞監候人犯。每一名加一級。如並非外來潛匿。止係各該管地方命盜案犯。由

別汎地方拏獲者。照拏獲鄰境盜犯分別議敘。其由前官任內脫逃。接任官拏獲者。照接緝盜犯例議敘。○又奏定承緝官如有能將一案盜犯於疏防限內迅速全獲者。每案紀錄二次。若止係一人搶劫。雖限內拏獲。止免疏防處分。不准議敘。○四年奏定吉林黑龍江駐防審擬盜案各官總限八箇月。成招定擬之員分限五箇月。審解該管城守尉等分限一月。解該管副都統該副都統分限一月。解將軍。該將軍分限一月。咨題完結。如不由副都統覈轉者。將副都統

限期扣裁。按審官分限。照承審官例。儻有逾限。將遲延之員。分別遲延月日。查叅辦理。至

盛京駐防。照奉天府例。限兩月內審解。

盛京刑部辦理。○九年奏定。

盛京等處城內官署被劫。倉庫監獄有失者。照限叅處疏防。將承緝佐領。防禦驍騎校。俱革職留任。勒限一年緝拏。同城協領。城守尉。防守尉。降三級留任。限一年督緝。若限滿不獲。將承緝佐領。防禦驍騎校。俱革職。協領。城守尉。防守尉。降三級調用。賊犯交與接任官。照案緝拏。不同城

協領城守尉。初叅降一級留任。限一年催緝。限滿不獲降一級調用。賊犯交與接任官照案緝拏。其被劫之本署官。有管轄兵丁之責者。照專管官例議處。同城之將軍。副都統。罰俸一年。若止劫署中物件。倉庫監獄無失者。承緝督緝官。俱照城內被劫例議處。如兼統官獲賊一半免議。承緝官獲賊及半。兼獲盜首者亦免議。若係被劫之本署官拏獲。地方官未及協拏。或地方官自行拏獲。被劫之本署官未及協拏。均照鄰境獲犯之例議處。○又奏定。

盛京等處駐紮城外衙署被劫倉庫有失者。照限查叅疏防。限滿不獲將承緝之佐領防禦驍騎校住俸。限一年緝拏。二叅限滿不獲降一級留任。再限一年緝拏。三叅限滿仍未弋獲。照所降之級調用。賊犯令接任官照案緝拏。督緝之協領。城守尉。防守尉。初叅罰俸六月。限一年緝拏。不獲罰俸一年。賊犯照案緝拏。其失事之本衙門官有管轄兵丁之責。照專管官一體議處。若止行劫署中物件。倉庫無失者。承緝督緝各官俱照

盛京所屬旗莊地方被劫之例議處其被劫之本署官有管轄兵丁之責者亦照專管官例議處至承督緝各官獲賊免議及本署官並地方官拏獲酌減議處之處俱照前例辦理○又奏定衙署被盜如有管轄兵丁之責者隱匿不報及以強報竊者將本官革職其無兵丁責任之員衙署被劫不報降一級留任已報者免議○又奏定

盛京等處衙門被竊失事之員即行申報除有關倉庫錢糧者仍照盜案分別城內城外題參疏

防外。其行竊署中物件。賊未滿貫者。承緝官扣限六月查參。限滿不獲。罰俸一年。賊犯照案緝拏。如賊已滿貫。承緝官初參。罰俸一年。再限一年緝拏。限滿仍未拏獲。罰俸二年。賊犯照案緝拏。其管轄兵丁之員。衙署被竊。無論賊數已未滿貫。均再罰俸一年。若不申報。別經發覺。將失事之員。降一級留任。賊犯限一年緝拏。限內拏獲。准其開復。限滿不獲。照所降之級調用。其無兵丁責任之員。衙署被竊。不報者。照諱竊不報例。罰俸六月。已報者。免議。○又奏定。盜賊在

京城內。夥眾傷人。劫去財物。該汎直班步軍校革職留任。兼轄步軍協尉。副尉俱降二級留任。統轄步軍翼尉。降一級留任。步軍統領總兵。罰俸一年。均戴罪勒限一年緝拏。本汎看街步軍領催步軍。及本汎看守柵欄步軍。各鞭一百。限滿不獲。該汎直宿步軍校革職。兼轄步軍協尉副尉。俱降二級調用。統轄步軍翼尉。降二級留任。步軍統領總兵。俱降一級留任。所有加級紀錄。俱不准抵銷。賊犯交接管官照案緝拏。看街步軍領催步軍。看守柵欄步軍。俱枷號四十日。

鞭一百革退。馬甲堆撥相近處失事。將該直班之員。罰俸二年。馬甲照步軍例治罪。○又奏定。直月捕盜章京。遇有盜夥劫殺之案。將該章京降二級留任。勒限一年緝拏。限滿不獲。將直月捕盜章京降二級留任。勒限一年緝拏。限滿不獲。將直月捕盜章京照所降之級調用。捕盜步軍鞭一百。所有加級紀錄俱不准抵銷。○又奏定。京城內尋常盜案。一月限滿無獲。該汛步軍校降三級留任。步軍協尉副尉俱降一級留任。步軍翼尉罰俸一年。步軍統領總兵罰俸六月。

本汛看街步軍領催步軍。及本汛看守柵欄步軍。各鞭八十。俱限一年緝拏。二叅限滿。獲盜不及一半。及全未獲盜者。該汛步軍校降三級調用。步軍協尉副尉。降一級調用。步軍翼尉。降一級留任。步軍統領總兵。罰俸一年。看街步軍領催步軍。看守柵欄步軍。鞭一百革退。如一年限內全獲。及拏獲首夥過半。准其開復。盜犯照案緝拏。如獲盜過半。而盜首窩家未獲。步軍校罰俸一年。步軍協尉副尉。罰俸六月。步軍翼尉。罰俸三月。限一年緝拏。二叅限滿不獲。步軍校罰

俸二年。步軍協尉副尉。罰俸一年。步軍翼尉。罰俸六月。再限一年緝拏。三叅限滿不獲。步軍校降二級留任。步軍翼尉。罰俸一年。盜首照案緝拏。馬甲堆撥相近處失事。將該直班之員。罰俸一年。馬甲照步軍例鞭責。○又奏定。直月捕盜章京。遇有尋常盜案。一月限滿無獲。將該章京降一級留任。捕盜步軍鞭六十。勒限一年緝拏。限滿無獲。將直月捕盜章京。降一級調用。捕盜步軍鞭八十。如一年限內全獲。及拏獲首夥過半。准其開復。盜犯照案緝拏。如獲盜過半。而盜

首窩家未獲。將該章京罰俸六月。限一年緝拏。不獲罰俸一年。再限一年緝拏。不獲罰俸二年。盜首照案緝拏。○又奏定。

盛京等處駐防旗員承緝盜犯。如於初叅限內離任。盜犯交與接任官。限一年緝拏。限滿不獲。將接緝官罰俸一年。再限一年緝拏。二叅不獲。再罰俸一年。賊犯照案緝拏。如前官於初叅限外去任。接緝官限滿不獲。罰俸一年。賊犯照案緝拏。其接緝未滿年限卸事者。免其議處。賊犯令再接緝官。勒限一年緝拏。限滿不獲。按疏防限

內限外議處。如接緝官於議處之後離任。其再
接緝之員亦免其查議。凡接緝官限內但能獲
盜。雖不及半亦免其議處。能拏獲及半者。紀錄
二次。全獲者紀錄三次。若賊夥止二三名。接緝
官於一年限內拏獲一半。兼獲盜首。及拏獲過
半者。於免議之外。仍紀錄二次。其拏獲一半。盜
首未獲者。止免其議處。毋庸議敘。○又題准步
軍兩翼八旗地面尋常竊案。一季內每翼每營
未獲正賊在十案以上者。將該翼正副翼尉。該
營副將參將遊擊等。罰俸六月。如一季內並無

報竊之案紀錄一次。十六年題准黑龍江等處駐防地方。遇有竊案。該管官諱匿不報。每案罰俸六月。不行查揭之該管上司。罰俸三月。二十六年奏准內外旗營該管大臣及各省將軍。都統。督撫。於營汛各員弁疏防失事。摘去頂戴之案。無論正任署任。及撤任留緝者。如限內獲犯。即奏請開復。如未獲犯。統俟本案二叅四叅期滿。分別議結後。題請開復。○同治二年題准

盛京等處駐防城內及道路旗莊。如有一夜連劫

數處無論是否一案盜夥。三月限滿不獲將專
管官降二級調用。○四年議准城內被劫及尋
常盜案未滿疏防例限以前經該督撫奏請先
行交議仍限嚴緝限滿不獲從嚴叅辦者俟限
滿嚴叅到部即將地方官議以降一級調用。○
十年奏准京城內無論何項盜案該地面官所
得處分一概不准抵銷。

欽定大清會典事例卷六百十二

兵部

八旗處分例

捕逃

禁賭

執火

夜禁

捕逃。○順治十五年議准。旗下奴僕逃走。在京限五日。二百里內限十日。四百里內限十五日。其主即據實呈報。投遞逃牌。如限內不投遞者。係官罰俸一年。常人鞭二十。若竟遺漏不行投遞。及投回未經銷案。又復逃走。其主並不再行投遞。逃牌者。係官降一級留任。常人鞭七十。奴僕未曾逃走。捏報逃走者。係官降一級調用。常

人鞭八十。若將姓名年月錯開投遞者。係官罰俸一年。常人鞭五十。至本主之逃牌已給領催。而領催遺漏不投遞者。領催鞭七十。○康熙七年題准。旗員窩隱逃人者革職。係常人交刑部治罪。○九年題准。旗員將良民冒認為伊家奴僕逃走者。降一級罰俸一年。○十年議准。旗下逃人在駐防旗員所轄地方居住。六箇月以內者免議。如過六月不行查拏。窩家鄰佑等亦不行出首。或被逃人之主控告。或被旁人出首。將失察之該佐領防禦驍騎校各降一級留任。過

一年者。將失察之該佐領防禦驍騎校。每一人降二級調用。若明知從容居住者革職。協領參領於該管屬官。二年內有一員失察逃人者。罰俸一年。二員失察者。降一級留任。三員失察者。降二級調用。將軍都統副都統於所屬官。二年內有一員至四員失察逃人者。罰俸六月。五員以上者。降一級留任。如於所轄地方查拏逃人十五名者。將佐領防禦驍騎校各加一級。三十名加二級。協領參領於該管屬官。查拏逃人三十名者。加一級。六十名加二級。將軍都統副都

統於所管屬官。查拏逃人二百名者紀錄一次。四百名加一級。比此數多者。各照查拏之數遞加。統以一年議敘一次。若不足加級紀錄之數者。又併一年議敘。仍不足者。將前一年之數截去。止留一年之數。於次年接算。不准三年合算。以上均令將軍都統副都統等。於歲終造冊報部。並報刑部查覈。○又議准旗人逃走。不許私自差拏。或報部行提。或在該地方官處首告拏解。如私自差拏者。係官罰俸一年。常人鞭一百。失察之地方官。及窩家之罪。毋庸議。若私差家

人往窩家取討衣物者。亦照此例議處。○十二年題准。凡八旗各官有逃走者。革職拏交刑部治罪。若官逃走。該管官捏作常人投遞逃牌者。罰俸一年。○又題准。兵丁逃走。該管佐領驍騎校。不於限內投遞逃牌者。罰俸一月。若竟遺漏不行投遞。及投回未經銷案。又復脫逃。該管官並不再行投遞逃牌者。皆降一級留任。兵丁未經逃走。捏報逃走。投遞逃牌者。降一級調用。若將姓名日月錯開投遞者。罰俸一年。如已經投遞逃牌後。忽誣稱不曾逃走者。罰俸六月。○四

十一年議准黑龍江甯古塔等處將軍打牲總管等將發遣人犯每月收領若干人逃走若干人未獲若干人已獲若干人造冊咨送刑部至年終該將軍等將總數開明具奏刑部會同兵部查對若發遣人犯有逃走一名者其主係官罰俸三月常人鞭五十至二三名者按數加罪一年內逃至五名者該佐領防禦驍騎校各罰俸一月領催鞭五十逃至十名者協領罰俸一月佐領防禦驍騎校各罰俸三月領催鞭五十逃至二十名者將軍副都統等罰俸一月協領

罰俸三月。佐領防禦驍騎校各罰俸六月。領催鞭八十。逃至三十名者。將軍副都統等罰俸三月。協領罰俸六月。佐領防禦驍騎校罰俸一年。領催鞭一百。逃至四十名以上者。將軍副都統等罰俸六月。協領罰俸一年。佐領防禦驍騎校各降一級。罰俸一年。領催枷二十日。鞭一百。打牲總管照協領例議處。翼領照佐領例議處。將軍按統轄地方逃人總數議處。副都統有專管地方者。照該管處逃人數目議處。其逃人之主。如在城內居住者。限即日呈報。離城百里以內。

者。限次日呈報。百里以外者。限三日內呈報。該管官隨差本佐領驍騎校率兵協同逃人之主追緝。如驍騎校公出。即令記名領催率兵追緝。仍將逃走緣由呈報該上司。報部查覈。如本主已經呈報。而該佐領等不即轉報。遲至十日以內者。佐領防禦驍騎校罰俸六月。領催鞭四十。十日以外者。佐領防禦驍騎校罰俸一年。領催鞭六十。一月以上者。佐領防禦驍騎校降一級調用。領催鞭八十。兩月以上者。佐領防禦驍騎校革職。領催鞭一百。如家主逾限遲延不報。係

官照佐領例。常人照領催例。分別議處。該管官免議。若家主於限內呈報者免議。其各省駐防旗下家人。及發往當差為奴人等。私自逃走者。伊主及該管官。皆照此例。滿洲漢軍副都統按翼分設者。按該翼逃走人數議處。○又議准邊界管汛管渡官兵。將貿易割草之人。於去時登記數目。回時按名覈對。若人數短少。即行文知會蒙古緝拏。若並不稽查。致發遣人犯混入貿易。割草人數內。逃入蒙古地方者。將管汛管渡官降一級調用。兵鞭八十。○又議准。王公府屬

之人有犯命盜重罪逃走者。該衙門緝拏時。即行文知會該府屬協拏。如一年限滿不獲。該衙門題叅。將辦理府屬家務官罰俸一年。該王公等交宗人府察議。未獲逃犯。仍令照案協同緝拏。○六十一年議准。旗員解送重犯及強盜防範不嚴。以致脫逃者。革職解送流徒等犯脫逃。及看守之處脫逃者。降一級住俸一半。解送入官之犯脫逃。及看守之處脫逃者。住俸一半。以上各犯。或本身拏獲。或別處拏獲。皆准開復。解送進京。此等人犯。中途脫逃。及看守之處脫逃。

者。皆照此例議處。至看守此等人犯之官。若得財釋放革職治罪。犯人自盡。無抑勒拷逼情弊。罰俸一年。○又議准兵丁解送犯人。若僉差不慎。致與犯人同逃者。該管官罰俸一年。○雍正元年議准。負罪潛逃之犯。容留之家。除確係不知情者。照律免議外。知情容隱。笞杖罪犯者。係官革職。知情容隱流徒以上罪犯者。係官革職治罪。不准折贖。常人交刑部治罪。該管官失於覺察。如所容隱之人。犯笞杖罪者。將佐領驍騎校。罰俸兩月。領催族長鞭二十五。犯流徒罪者。

佐領、驍騎校罰俸一年。領催族長鞭五十。參領、副參領罰俸六月。死罪及重案要犯。佐領、驍騎校降一級罰俸一年。領催族長鞭六十。參領、副參領罰俸一年。都統、副都統罰俸六月。若所屬隱匿流罪以下人犯。該管官知情不首報者。降二級調用。領催族長鞭八十。死罪及重案要犯。該管官知情不首報者。革職。領催族長鞭一百。凡族長係官。皆照佐領例議處。外省駐防官兵隱匿罪犯。該佐領防禦驍騎校。照在京佐領例。總管城守尉。協領。防守禦。照參領例。將軍。副都

統照都統例。分別議處。○六年議准在京奉旨捕緝人犯。並命案關係重案人犯。在城內脫逃者。責成該汛將步軍校住俸限一年緝拏。如於一月內拏獲者免議。一年限滿不獲。降一級調用。若非經管應捕之官。並各該管上司各官。於一月內拏獲一名者。紀錄二次。一月以外拏獲一名者。紀錄一次。○乾隆五年議准廣東駐防旗員。有所屬兵丁或閒散人及奴僕逃走者。該旗訪知確實下落。密移該地方文武官。撥兵給票。協同緝拏。如不移會地方官。徑自差拏者。罰俸

一月。如逃人已出廣東地方。移會該省協緝報部。旗員不得越境差拏。○二十四年奏准步軍校一年內拏獲逃人六十名者。加一級。步軍協尉督率步軍校。拏獲逃人一百二十名者。加一級。步軍翼尉督率所管四旗步軍校。拏獲逃人四百八十名者。加一級。步軍統領督率八旗步軍校及番役。拏獲逃人九百六十名者。加一級。比此數多者。照數遞加。○又奏准步軍協尉副尉。步軍校。拏獲在逃單身軍流遣犯者。每一名紀錄一次。攜帶妻子者。全獲一起。紀錄一次。拏

獲在逃徒犯者。二名紀錄一次。准其前後接算。統俟歲底該步軍統領彙冊送部查辦。○又奏准。

賞給王公大臣為奴之重囚人犯逃走。勒限一年內緝拏。不獲承緝官罰俸一年。家主罰俸六月。逃犯照案緝拏。○又奏准。發遣太監一年內逃走一名至三名者。佐領防禦驍騎校罰俸六月。領催鞭八十。協領罰俸三月。將軍副都統罰俸一年。四名至六名者。佐領防禦驍騎校罰俸一年。領催鞭一百。協領罰俸六月。將軍副都統罰俸

三月。七名以上者。佐領防禦驍騎校降一級留任。罰俸一年。領催鞭一百。枷號二十日。協領罰俸一年。將軍副都統罰俸六月。○又奏准旗人逃走。有私自差拏者。係官罰俸一月。○又奏准旗下奴僕逃走。其主不於限內投遞逃牌者。係官罰俸一月。○又奏准各省駐防閒散脫逃。照吉林黑龍江等處發遣人犯例辦理。○又奏准世職旗員疏脫重犯革職。後暫免開缺。勒限五年戴罪緝拏。限內拏獲。准其開復。不獲開缺。另襲襲職。後或能獲犯。查係伊子孫襲職。毋庸另

議如係族人該管大臣驗明該員年力才具尚堪驅使素有勞績自雲騎尉以上世職酌量以五六品官保題送部帶領引

見恭候

欽定。若年邁才庸素無勞績者毋庸保題。○三十八年奏准各省駐防兵丁逃走至三名者該管佐領防禦驍騎校罰俸一年。至五名者協領參領城守尉總管防守尉罰俸六月。至十名者都統將軍副都統罰俸三月。如逃兵未及名數該管大臣詳記檔案俟扣滿年限名數咨參議處。○

又奏准。新疆改發吉林。黑龍江等處駐防遺犯。脫逃。該將軍等查明該犯原籍。咨報兵刑二部。行文原籍及直省各督撫。一體嚴拏務獲。百日限滿不獲。專管官降一級留任。兼轄官罰俸六月。自行拏獲者。准其查銷。○又

論。設立卡倫。原為緝捕逃人。近年以來。各處逃人甚多。而拏獲者甚少。如庫車。係葉爾羌喀什噶爾回境衝途。為逃人所必由之路。乃數年來。未經拏獲一人。可見平日並不以嚴緝為事。即如伊犁。塔爾巴哈台等處。逃人定由烏魯木齊哈密巴里坤經過。葉爾羌喀什

什噶爾等處逃人。定由庫車哈喇沙爾開展經過。如
果實力緝拏。斷無不獲之理。其不上緊緝拏者。皆由
逃人經過地方。官兵未經定有處分所致。嗣後各處
拏獲逃人時。著審明從何處經過。將該處辦事大臣
並駐紮卡倫官兵。應交部議處者。即行議處。應治罪
者。即行治罪。其承緝不力之大臣。官兵作何處分。著
交該部詳悉定議具奏。欽此。遵

旨議定。伊犁各處盤獲逃犯。究出經過卡倫地方。未經
查拏者。將該處失察官降一級留任。該管大臣
罰俸一年。兵丁鞭七十。如經過地方藏匿潛逃

之罪犯將失察官降一級調用。該管大臣降一級留任。兵丁鞭八十。○又奏准發遣額魯特等犯逃走。其主係官降一級調用。係兵鞭八十。該管專兼各官均罰俸一年。將軍副都統罰俸六月。若將軍等不行。叅奏嚴緝者。降二級留任。○又奏准發遣吉林黑龍江等處之積匪猾賊。該將軍等嚴飭屬員防範管束。如有脫逃一名者。該將軍咨叅送部。將該管佐領防禦驍騎校罰俸六月。協領罰俸三月。將軍副都統罰俸兩月。○又奏准拉林阿爾楚喀移居人等脫逃。該管

專兼統轄各官。均照駐防兵丁逃走例咨參分別議處。○四十二年奏准。新疆由京發往之步甲。及在該處曾經犯逃之兵丁。復行逃走者。專管佐領。防禦驍騎校。降一級留任。兼轄協領。步軍翼尉。罰俸一年。統轄將軍領隊大臣。罰俸六月。尋常兵丁逃走。佐領。防禦驍騎校。罰俸一年。協領。罰俸六月。將軍領隊大臣。罰俸三月。○四十四年奏准。八旗職官逃走。該管官捏作常人投遞逃牌者。降二級調用。○四十八年奏准。駐防兵丁脫逃。該管大臣詳記檔案。無論年分。俟

扣滿名數。即行送部議處。不得以一年限滿未及名數。即行扣除。冀免處分。如逃兵於一年限內投回。及自行拏獲者。即將檔記查銷。○又奏准旗員解送流徒等犯脫逃。及看守處脫逃者。限百日緝拏。不獲照例議處。再限一年嚴緝。不獲降一級留任。解送入官人犯脫逃。亦限百日緝拏。不獲照例議處。再限一年緝拏。不獲罰俸一年。逃犯照案緝拏。係本身拏獲。准其開復。別處拏獲。即照鄰境獲盜例。按其應得處分酌減完結。其解送京城人犯中途脫逃者。及看守處

脫逃者亦照前例議處。○四十九年奏准遞解各項人犯中途脫逃。僉解兵丁與犯同逃。雖係畏罪潛逃。亦照案犯脫逃之例。按限嚴緝。如遇限不獲。即照承緝本案逃犯不獲例。一體辦理。○又議准分賞在京官兵為奴回犯脫逃一年限滿不獲。家主係官罰俸一年。係兵鞭六十。其步軍營承緝各官。罰俸一年。逃犯照案緝拏。○又奏准新疆發遣為奴人犯一年內並無逃走行竊事件。雖有脫逃即行拏獲者。該管官紀錄二次。○又奏准伊犁步軍協尉等官。一年內拏

獲賊匪逃犯至五次者。紀錄一次。若不能拏獲者。叅奏議處。卡倫臺站官員拏獲逃犯一名者。紀錄一次。兵丁酌賞。若犯被別處拏獲。將失察經由之卡倫臺站官員。叅奏議處。兵丁責懲。○五十九年奏准。吉林黑龍江及新疆內外駐防各處發遣人犯脫逃。每歲十月內。該將軍大臣等。將總數開明。分別已獲未獲。咨報軍機處。刑部彙奏。交兵部覈議。其應議各官。均照例加一等議處。各省駐防間散逃走。亦照此例行。○嘉慶六年奏准。逃兵已滿名數。仍藉詞未滿一年。

之限。遲不送部者。以規避處分論。○又奏准。職官及有頂戴人員逃走。該管上司失察。罰俸一年。該管大臣罰俸六月。族長係官。罰俸一年。係兵。鞭六十。儻該管官捏作常人投遞逃牌。該管大臣不能查出。參奏者。降一級留任。○又奏准。奉

旨。捕緝人犯及關繫緊要人犯脫逃。限滿不獲。將承緝步軍協尉。副尉。罰俸九月完結。○又奏准。旗人原擬斬絞。遇

赦減等者。發往駐防當差。如有脫逃者。該管佐領防

禦驍騎校降一級留任。協領罰俸一年。將軍、副都統罰俸六月。○又奏准奉天等處所屬旗界地方居民人等因犯事發配他省由配所潛逃回籍者該旗界官不行查拏罰俸一年。○又奏准伊犁步軍協尉等官總計一年內失察逃犯一二名者罰俸三月。三四名者罰俸六月。五名以上者罰俸一年。○又奏准伊犁卡倫臺站官員有逃犯經由該處經別處拏獲失察一二名者降一級留任。三四名者降一級調用。○又奏准分賞駐防兵丁為奴之回犯逃走約束不嚴

之該管佐領防禦驍騎校罰俸一年。兼轄協領
罰俸九月。統轄將軍副都統等罰俸六月。○又
奏准旗人藏匿逃犯該汛步軍營各官不行查
拏。將步軍校照該管佐領例議處。步軍協尉副
尉照參領例議處。○又奏准旗下逃人在駐防
旗員所轄地方潛住在三月以內者免議。如過
三月不行查拏。別經發覺。將失察之佐領防禦
驍騎校罰俸一年。協領參領罰俸三月。半年以
上者。失察之佐領防禦驍騎校照舊議處。協領
參領罰俸六月。將軍都統副都統罰俸三月。一

年以上者。失察之佐領。防禦驍騎校。照舊議處。協領參領降一級留任。將軍都統副都統罰俸一年。○又奏准。發遣額魯特等犯逃走。該將軍等即行參奏。飭屬嚴緝務獲。其主係官降一級留任。係兵鞭七十。該管官罰俸一年。兼轄官罰俸九月。將軍副都統仍照舊例辦理。○又奏准。八旗前鋒護軍親軍領催逃走。該旗營將逃走情由奏

聞。交部通行緝拿治罪。其管束不嚴之該管官。罰俸一年。○又奏准。旗員解送流徒等犯脫逃。及看

守處脫逃者。百日限滿不獲。罰俸一年。解送入官人犯脫逃。百日限滿不獲。罰俸六月。仍均勒限嚴緝。其限滿不獲。及解送京城人犯脫逃者。均照舊例議處。○又奏准駐防官員解送人犯。將派出護解兵丁徇情少帶。以致人犯中途滋事。及乘間脫逃者。降三級調用。若受賄將派出護解兵丁少帶。或全行私留。以致人犯中途脫逃滋事者。革職提問。○道光二年奏定。兵丁派出隨圍。及各項公務差遣外出。在差所私行逃回者。交部治罪。如無別故者。鞭一百。將管束不

嚴之該管官罰俸一年。該旗佐領驍騎校失於查出者。罰俸六月。若中途潛逃回旗捏病呈報。或竟藏匿未赴差所。除將該兵治罪外。其失於查察之該佐領驍騎校降一級留任。參領副參領罰俸六月。○又奏定回民秦賊肆竊。遣給駐防兵丁為奴之犯。在配潛逃。該將軍等即行參奏。嚴緝務獲。如係一名單身脫逃。或二名同日脫逃。初參專管之佐領。防禦驍騎校。罰俸一年。兼轄協領。罰俸六月。俱限一年緝拿。不行查察之將軍副都統。罰俸六月。二參限滿不獲。專管

官降一級留任。兼轄官罰俸一年。逃犯照案緝
拏。如有脫逃至三名以上。初叅專管之佐領防
禦。驍騎校降一級留任。兼轄協領罰俸一年。俱
限一年緝拏。二叅限滿不獲。專管官降二級留
任。兼轄官降一級留任。逃犯照案緝拏。脫逃至
六名以上。初叅之專管官佐領。防禦驍騎校降
一級留任。兼轄協領罰俸一年。俱限一年緝拏。
二叅限滿不獲。專管官照所降之級調用。兼轄
官降二級留任。失於查察之將軍副都統。俱於
初叅罰俸六月。如專兼各官疏脫二名六名以

上。等獲數名。未能全獲。仍按其未獲名數分別

議處。

如二名限滿未獲在二名以上專管官照二名同日脫逃二名之例降一級留任。餘

此仿。○又奏定。發遣人犯脫逃。如於逃後有妄行

控訴原案者。將家主並該管官各罰俸一年。兼

轄官及失於查察之統轄大臣。均罰俸六月。如

有越分呈遞封章者。家主並該管官降一級留

任。兼轄官及失於查察之統轄大臣。均罰俸一

年。其曾任職官罪犯遣戍。如有私自脫逃。將該

管官罰俸一年。兼轄官及失於查察之統轄大

臣。均罰俸六月。如脫逃後復有妄行控訴原案。

該管官降一級留任。兼轄官及失於查察之統轄大臣均罰俸一年。如有越分呈遞封章者。該管官降一級調用。兼轄官及失於查察之統轄大臣均降一級留任。如有知情縱容者。將該管官革職審擬。兼統官如係自行查出詳報者免議。若並無覺察。同城之兼統官降三級留任。不同城降一級留任。○又奏定武職各官。拿獲鄰境脫逃尋常遣犯。每一名紀錄二次。例應正法之遣犯。每一名加一級。○又奏定塔爾巴哈台卡倫外。俱係哈薩克游牧地方。關係緊要。其臺

站坐卡侍衛官員。若失察逃人一名至五名者。罰俸六月。六名以上者。罰俸一年。十五名以上者。降一級留任。如另有疏縱別情。嚴叅治罪。至拏獲逃人一名至五名者。紀錄一次。六名以上者。紀錄二次。十五名以上者。仍紀錄二次。並於應升之處列名。其失查逃人。應議罰俸之員。如另有拏獲逃人事件。即將應得紀錄抵銷。○又奏定旗人犯罪。經刑部擬定枷責。因時逢熱審。交該旗領回。飭令該管官及親屬或族長看守。俟秋後送部發落之犯。不嚴行防範。以致疏脫。

者。係職官降一級留任。無職人鞭一百。該佐領
驍騎校失於稽查。罰俸一年。若當送部發落之
時。該管佐領驍騎校並不慎派兵丁押解。以致
人犯中途脫逃者。將佐領驍騎校罰俸一年。
又奏定。京城內發交各城門看守之枷號人犯。
如該管官弁防範不嚴。以致乘間脫枷逃走者。
將城門領城門吏門千總均降一級留任。自行
拏獲者免議。若兵丁受賄鬆枷。致令乘間脫逃
者。將兵丁從重治罪。失察之該管官各降一級
調用。至外省駐防各門枷號人犯脫逃。其看守

旗員亦照此例議處。○九年奏定職官逃走。若於一月內自行投回。經刑部審明實係病迷。並非有心逃走者。將本員照擅離職役例議處。該管各官免議。○又奏定八旗兵丁間散初次逃走。一月內投回者免罪。拏獲者鞭一百。俱仍准挑差。若逾限一月二次逃走者。雖自行投回。均即行銷除旗檔。○又奏定各省駐防兵丁間散逃走。於一月內投回拏獲。及逾限一月。無論投回拏獲。並二次逃走者。該管大臣逐案報部。並於年終分析造冊咨報刑部彙題。交部查覈除

兵丁逃走。於一月內投回及拿獲者。毋庸覈計外。如一年逃走至五名者。將該管佐領。防禦。驍騎校。罰俸一年。至十名者。協領。參領。城守尉。總管。防守尉。罰俸六月。至二十名者。將軍。都統。副都統。罰俸三月。如有逃人。即將係何員名下註明。該管各官如有隱匿捏報。及呈報遲延遺漏。仍照八旗兵丁逃走例辦理。○十七年議定。發遣宗室私離配所。該將軍未經查出者。罰俸六月。該管總族長交宗人府議處。○二十一年議准。宗室覺羅逃走。將失察之佐領。罰俸六月。○

同治七年題准。聞散覺羅因案交旗收管。在途逃走。該佐領並未即時查報者。罰俸一年。○光緒八年題准。疏脫流犯。捏報被匪搶逃。將管解官降一級調用。

禁賭。○原定。八旗閒散人。有犯賭博及開場容留賭博者。該管都統。將軍。副都統。失察五次者。罰俸一月。該總管。城守尉。參領。署參領。協領。失察三次者。罰俸一月。佐領。防禦。驍騎校。每次罰俸一月。族長。係官。每次罰俸兩月。常人。鞭二十五。領催。每次鞭五十。○又定。兵役人等。差遣在

外。有犯賭博者。將領去之。該管官照佐領例議處。領催照佐領下領催例議處。該旗各官皆免議。○又定內務府及王公府屬佐領下人有犯賭博者。將該管領副管領府屬參領驍騎校領催族長皆照旗下參領佐領驍騎校領催族長之例。分別議處。該旗各官免議。○又定旗下奴僕犯賭博。家主係官罰俸兩月。常人鞭二十五。該管官免議。在屯居住之人有犯。將屯領催鞭五十。在京該管官免議。至奴僕在屯有犯。其主在屯居住者。照例議處。在京居住者免議。○雍

正二年議准。失察賭博。應議各官。若有因公他往者。免議。該管之上司。拏獲者。亦免議。○又議。准在京旗下各官。失察賭博。如本旗拏獲。准其免議。若被別衙門拏獲者。其失察之都統。副都統。參領。佐領等。仍議處。外省駐防各官。失察賭博。如本旗拏獲。准其免議。若被別衙門拏獲。其失察之該管將軍。都統。副都統。協領。參領。佐領等。仍議處。○又議。准旗人製造賭具。該管官訪緝拏獲者。佐領。防禦。驍騎校。加一級。若拏獲之賭具。係描畫紙牌。經刑部減等擬罪者。拏獲官

紀錄二次。該管上司於所屬。一年內並無別案。失察製造賭具。舊藏賭具。販賣賭具。及失察賭博等事。於歲終彙冊報部。由部覈明。係拏獲製造賭具之案。將參領。副參領。協領。城守尉。總管各官。每案紀錄二次。都統。將軍。副都統各官。每案紀錄一次。係拏獲描畫紙牌之案。經刑部減等擬罪者。參領。副參領。協領。城守尉。總管各官。每案紀錄一次。將軍。都統。副都統等。毋庸議敘。該管上司於所屬。一年內但有一案失察者。將別案拏獲賭具。一概不准議敘。如所屬有失察

等案。該上司自行查出者。將查出之上司。按其
拏獲起數議敘。儻該上司因所屬拏獲賭具。希
圖議敘。將別案失察。通同徇隱不報者。降二級
調用。以上拏獲之賭具。造自別處者。將別處失
察官議處。拏獲之官議敘。其造自本處之賭具。
實係新製。不過半年者。方准議敘。如係遠年存
留賭具。或雖新製而失察已過半年。止免失察
處分。不准議敘。儻有遠年存留賭具。捏報現經
製造。及製造已過半年。而捏報在半年以內者。
將應議敘加一級者。即降一級調用。應議敘紀

錄二次者。即罰俸一年。應議敘紀錄一次者。即罰俸六月。其各該上司中。能有將捏報情由。查出揭叅者。將捏報之官議處。仍查明本案。如上司例。應議敘。即將揭叅之上司議敘。如例不應議敘。因其查出揭叅。准免議處。此等拏獲賭具。議敘各官。均由承審衙門聲明。咨部定議。○六年議准。八旗凡有查拏賭博之責。若明知不即查拏。代為隱諱者。官降三級調用。兵鞭八十。若已獲受賄縱放。及借查拏名色。詐害平人。挾讎誣指者。官革職。兵革退。皆交刑部治罪。該管官

不揭叅者。罰俸一年。○又議准八旗賭博。委官專司查拏。如未經查拏。別經發覺者。罰俸一年。○九年奏准八旗內外官兵及佐領下正身人等。有製造賭具者。將失察之佐領。防禦驍騎校。降二級調用。參領副參領。協領。城守尉。總管。降二級留任。將軍。都統。副都統。罰俸一年。族長係官。降二級調用。常人鞭七十。領催鞭八十。至描畫紙牌。經刑部審明。將該犯減等擬罪者。失察之佐領。防禦驍騎校。各降一級調用。參領。副參領。協領。城守尉。總管。降一級留任。都統。將軍。副

都統罰俸九月。族長係官降一級調用。常人鞭六十。領催鞭七十。以上內外各官失察製造賭具。如本旗拏獲。准其免議。若別衙門拏獲者。失察之該管各官仍議處。○又奏准旗員失察賭具。未及半年。別經拏獲者。准其免議。若失察已過半年。別經拏獲者。仍議處。○十一年議准八旗後任官拏獲製造賭具之人。查明前任官。如失察未及半年離任者免議。失察已過半年者。仍照例議處。若將失察已過半年之前任官。捏報未及半年。改移月日。代為掩飾者。除將該員

拏獲之案。不准議敘外。仍罰俸一年。未經查出之該管上司。罰俸六月。該管大員。罰俸三月。能查出者。皆免議。至拏獲之後。官到任半年以內。因賭博發覺。究出製造賭具。或舊存牌板刷印。不過半年。即能拏獲者。皆准議敘。其應議處。議敘之各官。該管大員。查明到任離任日期。於咨疏內聲明。以憑定議。○十二年。獲准失察賭博各官。於議處時。將該員從前拏獲賭具。議敘之加級紀錄。悉行註銷。即該員已經數任。後有失察賭博之案。將前任內拏獲賭具。議敘之加級

紀錄一併註銷。其該管上司除因所屬別員拏獲議敘之加級紀錄不必註銷外。如因失察賭博之屬員從前拏獲賭具同案議敘之加級紀錄亦悉行註銷。若該員失察賭博時該上司先已離任。或該員調任別省。其失察之處已與原上司無涉。所有該上司從前因該員議敘之加級紀錄免其註銷。至上司本身失察賭博。仍將從前自行拏獲賭具之加級紀錄並因屬官拏獲賭具之加級紀錄悉行註銷。其失察製造賭具。舊藏賭具。及販賣賭具。皆照此例行。○又議

准凡開賭場鬪鷓鷯鬪雞鬪蟋蟀者。照開場賭博例治罪。其該管官亦照賭博例議處。○乾隆元年議准旗人操演射鷓者。不必查禁。外儻有特開賭場抽頭。及容留不射箭買局賣局之人。並大賭銀錢者。即行緝拏交部。照開場賭博律治罪。○三年奏准旗員賭博及開場容留賭博。並上司與屬官賭博者。皆革職治罪。凡稽查屬官賭博。佐領防禦驍騎校等官。責之參領副參領協尉城守尉總管等。參領副參領協領城守尉總管等官。責之都統將軍副都統等。如明知

屬員賭博不揭參者。將專責之官降三級調用。其有在該旗賭博。失於覺察者。該佐領防禦驍騎校。每次罰俸六月。參領副參領協領城守尉總管等。失察三次者。罰俸六月。都統將軍副都統。失察五次者。罰俸六月。如在該衙門及直班公所賭博。將該處失察之官。降一級留任。本旗該管各官免議。若查出揭報者亦免議。○又議准。官員賭博。經刑部審實。係旗員拏獲者。將首先拏獲之人。每次紀錄一次。如係番役拏獲者。將步軍統領每次紀錄一次。○又奏准。兵丁犯

賭。將失察之該管佐領。防禦驍騎校。每一次罰俸三月。該參領。副參領。協領。城守尉。總管。有失察三次者。罰俸三月。該管都統。將軍。副都統。有失察五次者。罰俸三月。○又奏准。兵丁犯賭。該族長係官。每一次罰俸兩月。常人鞭二十五。領催。每次鞭五十。○又奏准。兵丁在直班當差處賭博。將該處失察之官。照兵役犯賭例議處。本旗該管各官免議。若在別處賭博。本旗該管各官仍議處。○又奏准。旗下奴僕。有犯製造賭具。及描畫紙牌等事。家主照佐領例議處。該管各

官免議。若奴僕在屯莊居住製造賭具者。將失察之屯領催。照在京領催例議處。家主在屯居住者。照例議處。在京居住者免議。至旗人在屯製造賭具。亦將屯領催議處。在京該管官免議。

○四年議准。奉天等處地方。並無綠營武職。其駐防旗員。即有稽查地方之責。如有賭博賭具等案。將該將軍副都統等。照提鎮例定議。協領參領等。照綠營兼轄官例定議。佐領防禦驍騎校等。照綠營專汛官例定議。至在京步軍營各官。各有分管地方。如有賭博賭具等案。將步軍

統領翼尉。照提鎮例。定議步軍協尉。副尉。照綠營兼轄官例。定議步軍校。照綠營專汛官例。定議。○又奏准內務府及王公府屬之人。有製造賭具。及描畫紙牌者。將該管領。副管領。及府屬參領。佐領。驍騎校。領催。族長等。照旗下參領。佐領。驍騎校。領催。族長之例。分別議處。內務府總管。王公府屬長史。貝勒府司儀長。照都統。副都統之例。議處。該旗各官免議。○五年議准。旗員拏獲賭具。係首先訪緝者。將該員並該上司議敘。如係文官。及營員內。首先訪緝。該員係協同。

拏獲者。協拏之官紀錄一次。即同任旗員。此官首先訪緝。彼官協同拏獲。其協拏之官。亦紀錄一次。如係拏獲描畫紙牌之案。經刑部減等擬罪者。將協拏之官。二案紀錄一次。至協拏之上司。毋庸議敘。此等協拏緣由。協拏之官申報該上司。轉報該管大員查實。於咨疏內聲明。准其議敘。若並未協拏。假捏協拏希圖議敘者。降二級調用。扶同隱飾之該上司。降一級調用。若該上司並非有心扶同。但據詳轉報者。罰俸六月。該管大員未經查出。罰俸三月。如製造賭具之

人。該管官失於覺察。該上司及該管大員拏獲者。將屬員仍行議處。拏獲之上司及該管大員議敘。○十四年奏准出境販賣賭具未過半年者。首先拏獲之官加一級。協拏之官紀錄一次。該管上司於年終彙議時。查照本案議敘。如首先拏獲之官係加一級者。該管兼轄官每案紀錄二次。統轄官每案紀錄一次。○三十年

諭。嗣後應行坐轎大臣。各將所雇轎夫。嚴行管束。禁止賭博。如再有賭博情事。朕必將該大臣嚴加議處。斷不輕恕。著交提督衙門不時嚴查。一經拏獲。即行叅

奏○三十八年奏准旗人造賣販賣賭具。該管官能
首先訪緝。拔本清源。銷毀器具者。照舊加一級。
協拏之官。亦紀錄一次。若拏獲描畫紙牌及販
賣賭具。不能訪究根源。銷毀器具者。首先拏獲
之官。每二案紀錄一次。○四十四年奏准官員
訪獲賭具。照例議敘。失察賭博。照例議處。其因
失察賭博。查銷從前獲賭級紀之處。應行刪除。
○嘉慶六年奏准存留賭具。在該管官公出之
前。仍照例議處。○又奏准八旗步營地方。如有
匪徒開局誘賭。該管地面兵丁受賄窩庇。不行

查拏者。別經發覺。步軍校降一級調用。協尉副尉降一級留任。兵丁革退。自行查出究辦者免議。○又奏准。八旗接任署任官拏獲賭具。迴護前官。捏詳並未失察。除該員不准議敘外。仍降一級留任。該管各上司失察。均罰俸六月。○道光十九年議定。旗下官員蓄養蟋蟀。任令家人賭鬪。並親至茶館觀看者。革職。

救火。○順治初年定。八旗大班八處。每處滿洲蒙古漢軍三旗。每旗或都統或副都統一人。參領以下官十人。兵八十名。輪流直宿。如遇失火。

都統等即領一半官兵往救。其餘官兵仍留該班處備用。○康熙三十年議准。城外失火。步軍統領即率屬官開門往救。兩翼步軍翼尉親督官軍在門防守。次日報部存案。○雍正二年題准。曠誤大班官罰俸一年。兵鞭六十。失察之該班都統等。罰俸兩月。○又議准。海子內失火。該管官不行撲滅。以致延燒者。罰俸一年。看守兵丁鞭一百。即行撲滅者免議。○八年

諭。嗣後東南失火。著正藍鑲白二旗往救。西南失火。鑲藍鑲紅二旗往救。東北失火。鑲黃正白二旗往救。西

北失火。正黃正紅二旗往救。若皇城之內。每翼二旗往救。步軍等見失火處。即報相近旗分。不可有誤。○又議准。凡遇內城公廡倉庫及該旗地方失火。其報火之步軍。及救火之旗分。如有遲誤。皆照曠誤火班例。分別議處責懲。○嘉慶六年奏准。八旗各營衙署。如不謹慎巡查。以致失火燒毀庫房檔冊等項者。將直日章京降一級留任。該管參領等官。失於防範。罰俸一年。○道光十二年題准。

圓明園八旗官兵所住官房。如有失火燒毀者。失

察之該管官罰俸一年。兼轄官罰俸六月。○二十四年題准京通各倉。如有失火延燒廩座。將該花戶交刑部審辦。防範不嚴之兵丁照律鞭責。失察之直班章京降一級留任。

夜禁。○順治初年定。京城內起更後閉柵欄。王以下官民人等。不許任意行走。步軍校等分定街道界址。輪班直宿。步軍協尉往來巡邏。由部委官稽察。有不閉柵欄。及不傳籌擊柝者。查明議處。至夜行之人。除奉

旨差遣。及各部院差遣外。其因喪事生產問疾請醫

祭祀嫁娶燕會者。該直宿官兵詳問事故。記其旗分佐領姓名住址。開柵放行。按汛遞交。不得羈留。若係無故夜行。王以下官及婦女均詢記姓名。送至其家。對鄰佑說知。被獲時刻。民人即羈候。均於次日呈報步軍協尉。轉報步軍統領。將無故夜行之王公及各官等。請

旨交宗人府部院查議。旗人鞭五十。民人笞五十。若直宿兵丁徇隱不報。或受賄縱放。被旁人拏獲首報者。鞭一百。仍罰銀三兩。給首報之人。該管步軍協尉等分別議處。○康熙十二年題准街

道柵欄不傳籌擊柝。及夜行人犯獲後脫逃者。直宿步軍校罰俸兩月。步軍協尉罰俸一月。領催鞭三十。兵丁鞭二十七。若未起更之先妄擊者。直宿步軍校罰俸三月。步軍協尉罰俸兩月。領催兵丁各鞭一百。○又題准。各官因問病祭祀嫁娶等事夜行。步軍故為留難勒索者。鞭五十。若因勒索不休。即行責打致傷者。罰俸六月。無故夜行。罰俸一月。至將步軍捉至家中者。審實革職。毆傷者交刑部。○乾隆七年議准。失察步軍得財縱放夜行人犯者。直宿步軍校罰俸

三月。步軍協尉罰俸兩月。知其受賄扶同徇隱者。步軍校革職。步軍協尉降三級調用。○嘉慶六年

諭。向來紫禁城內派有六大班。諸王文武大臣及前鋒統領護軍統領等輪流直宿。嚴密稽查。乃日久漸涉疏懈。又總管內務府大臣等從前均輪班上夜。後亦廢弛。以致太監及護軍人等。竟敢乘夜賭博。無所畏忌。禁地森嚴。豈可不加意整肅。嗣後總管內務府大臣等。著照舊輪班直宿。除該六大班之諸王體制宜尊。領侍衛內大臣職分較大。毋庸派令查夜外。其該

六大班之文武大臣前鋒統領護軍統領總管內務府大臣等俱著輪流查夜以昭嚴密該大臣等務須不時周歷巡查如各處地方查有夜深不息鐙火及賭博等事立即鎖拏究辦次早即行具奏不得瞻徇情面如該班大臣等巡察不嚴再有疏懈必一併議處若日久廢弛亦不輕恕○咸豐十一年奏准步軍統領衙門舊有技勇兵及新挑技勇兵暫停派往堆撥責令管理四場章京等管帶於

皇城內外八旗地面輪班下夜認真巡緝遇有明火聚衆搶劫盜匪務即拏獲不准疏脫拒捕者

格殺毋論。如有居民鋪戶聚集人多。吸煙聚賭。及三五成羣夜游街巷者。立即拏獲究辦。並責成兩翼翼尉督飭。與各旗固山達步軍校所帶下夜步甲一體巡邏。仍查照向章申明夜禁。以符定制。該管帶章京等捕獲盜犯。於定案時酌量保奏。怠惰疏防者。即與下夜巡緝之章京及該地面官從嚴叅辦。○同治二年

諭。給事中福寬奏請稽查夜間城門一摺。京師為五方雜處之地。姦宄最易潛蹤。惟在各城門慎司啟閉。嚴密防範。如該給事中所奏。近來夜間正陽門啟後。並

不見一官一兵看守。不但入者毫無覺察。即出者亦並不攔阻。殊屬不成事體。著該管衙門嚴飭城內外官堆認真稽察。務遵舊制。凡晝夜進城人等。均須查明確係當差者。方准放入。非至黎明。一概不准放出。毋得仍前玩泄。致干重咎。